

142

31. júlí

REGLUGERÐ**um sérstakt útflutningsgjald af ísfiski.**

1. gr.

Auk útflutningsgjalds þess, sem ákveðið er í lögum nr. 63 28. jan. 1935, skal greiða í ríkissjóð 10% — tíu af hundraði — af verði ísfiskjar þess, sem fluttur er til útlanda eftir gildistöku reglugerðar þessarar.

Undanþegin gjaldi þessu er þó ísfiskur sá, sem fluttur er til útlanda á vegum brezka matvælaráðuneytisins (Ministry of Food).

Til fiskjar þess, sem um ræðir í 1. mgr. þessarar greinar, telst ísfisksafli, er skip, sem skrásett eru hér á landi, veiða, þótt hann sé veiddur utan landhelgi og eigi verkaður í landi.

2. gr.

Ákvæði laga nr. 63 28. jan. 1935, um útflutningsgjald, skulu gilda eftir því, sem við getur átt, um gjald það, sem um ræðir í 1. gr. þessarar reglugerðar, og getur töllyfirvald neitað skipi um tollvegabréf fyrir en útflutningsgjaldið er greitt eða nægileg trygging er sett fyrir greiðslu þess síðar.

3. gr.

Útflutningsgjald það, sem hér um ræðir, skal færa í útflutningsgjaldabók og skal gera sérstök skil fyrir því í ríkissjóð með öðrum útflutningsgjöldum.

4. gr.

Reglugerð þessi, sem sett er með heimild í 5. gr. laga nr. 98 9. júlí 1941, öðlast þegar gildi.

Fjármálaráðuneytið, 31. júlí 1942.

Jakob Möller.

Einar Bjarnason.

143

5. ágúst

REGLUGERÐ**um stjórn og starfsemi sjúkrasamlaga.**

1. gr.

Sjúkrasamlög þau, er stofnuð eru samkvæmt lögum um alþýðutryggingar, nr. 74 31. des. 1937, sbr. lög nr. 92 14. maí 1940, eru sameiginlega sjálfstæð deild í Tryggingarstofnun ríkisins, með sérstökum fjárhag, og nefnist hún Sjúkratryggingardeild.

2. gr.

Sameiginleg stjórn allra sjúkrasamlaganna er hjá Tryggingarstofnun ríkisins og tryggingarráði undir yfirstjórn ráðherra.

3. gr.

Í kaupstöðum skulu stjórnir sjúkrasamlaga skipaðar 3 eða 5 mönnum og jafnmörgum varamönnum. Ráðherra skipar formenn samlaganna og varaformenn, eftir tillögum tryggingarráðs, en bæjarstjórn kýs til viðbótar 2 eða 4 menn í stjórn og jafnmarga til vara. Skal kosning þeirra jafnan fara fram eftir hverjar bæjarstjórnarkosningar.

4. gr.

143

5. ágúst

Í hreppum utan kaupstaðanna skulu stjórnir sjúkrasamlaga skipaðar 3 eða 5 mönnum og jafnmörgum varamönnum. Ráðherra skipar formenn samlaganna og varaformenn, eftir tillögum tryggingarráðs, en hreppsnefndin kys til viðbótar 2 eða 4 menn í stjórn og jafnmarga til vara. Skal kosning jafnan fara fram eftir hverjar sveitarstjórnarkosningar.

Standi fleiri hreppar en einn að sjúkrasamlagi, skulu þeir leggja til einn mann hver í stjórn samlagsins, en standi tala stjórnarmanna þá á stöku, skal hreppsnefnd þess hrepps, sem fleiri eða flesta hefur tryggingarskylda samlagsmenn, kjósa 2 menn.

5. gr.

Tryggingarstofnun ríkisins kveður á um launagreiðslur stjórnenda sjúkrasamlaga, að fengnum tillögum samlagsstjórnanna.

6. gr.

Halda skal stjórnarfundi, þegar formaður eða meiri hluti samlagsstjórnar telur þess þörf. Í kaupstöðum og kaптúnum með yfir 500 íbúa skal þó halda fund eigi sjaldnar en einu sinni á mánuði.

Samlagsstjórn kys sér fundarritara og skal hann halda gerðabók samlagsins, sem lesin skal upp í fundarlok og undirrituð af öllum viðstöddum stjórnarmönnum.

Við atkvæðagreiðslur ræður atkvæðamagn. Nú eru atkvæði jöfn og fellur þá atkvæðisefnið, nema einhver stjórnarmanna leggi málið undir úrskurð Tryggingarstofnunar ríkisins.

7. gr.

Nú forfallast aðalmaður í stjórn sjúkrasamlags og getur ekki mætt á fundi og skal þá kalla varamenn til að sitja stjórnarfund í hans stað. Samlagsstjórn setur reglur um það, hvaða tilhögun skuli hafa um kvaðningu varamanna til funda. Skulu þessar reglur sendar Tryggingarstofnun ríkisins.

8. gr.

Samlagsstjórn ræður starfsmenn samlagsins, eftir því sem þörf krefur, eða skiptir störfum á milli stjórnarmeðlimanna, ef fært þykir, að þeir annist hinn daglega rekstur samlaganna. Leita skal samþykkis Tryggingarstofnunar ríkisins um starfsmannafjölda og launakjör þeirra. Getur tryggingarstofnunin sett hverju samlagi sérstakar reglur um fjölda starfsmanna, laun og starfskjör þeirra, sem starfa á skrifstofu samlagsins, að fengnum tillögum stjórnar þess.

Samlagsstjórn skal setja starfsmönnum ákveðnar reglur að fara eftir í daglegum rekstri samlagsins og gæta þess, að fylgt sé samþykkt samlagsins í hvívetna. Skal hún vera á verði um, að gætt sé hins ítrasta sparnaðar, sem samrýmanlegur er því markmiði samlaganna, að veita samlagsmönnum sem bezta og fullkomnasta sjúkrahjálp.

9. gr.

Samlagsstjórn, og þá fyrst og fremst formanni samlagsins, ber að sjá um, að Tryggingarstofnun ríkisins geti fylgt sem bezt með öllum rekstri og hagsamlagsins, að henni séu sendar á réttum tíma þær skýrslur um reksturinn, sem fyrirskipaðar eru, og að henni sé tilkynnt nægilega fljótt, ef óvænlega horfir um fjárhag þess.

10. gr.

Sjúkrasamlögin skulu starfa í samræmi við samþykktir, sem staðfestar eru af félagsmálaráðuneytinu. Allar breytingar, sem samlagsstjórn gerir á samþykktinni, t. d. um breytingu á iðgjöldum eða hlunnindum þeim, sem samlagið veitir á hverjum tíma, skulu sendar Tryggingarstofnun ríkisins til umsagnar, en hún sendir þær síðan ráðuneytinu ásamt umsögn sinni.

11. gr.

Allir samningar, sem samlagsstjórn gerir við lækna, lyfjabúðir, sjúkrahús og aðra aðila, sem láta í té sjúkrahjálp þá, sem samlagið tekur að sér að veita, skulu sendir Tryggingarstofnun ríkisins til staðfestingar, og öðlast þeir eigi gildi, fyrr en þeir hafa hlotið staðfestingu hennar.

Ef hlutaðeigandi samlag óskar þess, er Tryggingarstofnun ríkisins heimilt, í samráði við landlækni, að semja fyrir sjúkrasamlög við fyrrgreinda aðila. Náist ekki samkomulag, eða að svo miklu leyti, sem ósamið verður, er stjórn sjúkrasamlags heimilt að greiða samlagsmönnum læknishjálp, lyf og annan sjúkrakostnað eftir reglum, sem Tryggingarstofnun ríkisins setur, jafnvel þótt slík greiðsla nægi ekki til þess að standa straum af öllum kostnaði, er annars leiðir af ákvæðum 30. gr. laga um alþýðutryggingar.

12. gr.

Tryggingarstofnun ríkisins hefur sérstakt eftirlit með greiðslum samlaganna fyrir lyf. Er samlagsstjórnnum skylt að sjá um, að farið sé eftir þeim reglum um greiðslur fyrir lyf, sem tryggingarstofnunin setur og senda henni nauðsynleg gögn, svo sem lyfseðla, til þess að hún geti gengið úr skugga um, að reglurnar séu haldnar.

Tilsvareandi reglur getur tryggingarstofnunin sett um aðrar tegundir sjúkrahjálpar, ef þurfa þykir.

13. gr.

Tryggingarstofnun ríkisins skal einnig að öðru leyti fylgjast sem bezt með rekstri samlaganna. Er samlögunum skylt að senda henni skýrslu um rekstur samlaganna svo oft, sem hún óskar eftir, þó eigi oftar en mánaðarlega, sundurliðaða á þann hátt, sem tryggingarstofnunin ákveður. Lætur hún samlögunum í té eyðublöð fyrir slíkar skýrslur.

14. gr.

Tryggingarstofnun ríkisins getur sett reglur um reikningshald samlaganna og fyrirskipað þeim hvers konar bækur þau skuli nota við bókhaldið, enda sjái tryggingarstofnunin um að útvega þær bækur, er hún fyrirskipar, ef samlögin óska þess.

Reikningsár samlaganna er almanaksárið. Þó er skólasamlögum heimilt, með samþykki tryggingarstofnunarinnar, að hafa annað reikningsár.

Ársreikningar samlaganna skulu sendir tryggingarstofnuninni eigi síðar en í marzlok ár hvert. Skólasamlög skulu þó senda ársreikninga eigi síðar en 2 mánuðum eftir lok kennslutímans.

15. gr.

Tryggingarstofnun ríkisins sér um greiðslu á framlagi ríkissjóðs samkvæmt 44. gr. laga nr. 74 1937, um alþýðutryggingar. Skulu samlögin senda kröfu um framlagið eigi síðar en mánuði eftir lok hvers ársfjórðungs. Ef iðgjöld eru krafín misserislega eða í einu lagi fyrir allt árið, skal senda kröfuna eigi síðar en mánuði eftir lok hvers iðgjaldatímabils.

16. gr.

143

Tryggingarstofnun ríkisins setur reglur um flutninga samlagsmanna milli sjúkrasamlaga, sbr. 12. gr. laga nr. 92 14. maí 1940 og er samlagsstjórnnum skylt að fylgja þeim reglum og sjá um, að þeim sé fylgt eftir því, sem í þeirra valdi stendur

5. ágúst

Sama máli gegnir um reglur þær, um bráðabirgðasamlagsmenn, sem Tryggingarstofnun ríkisins setur samkvæmt 11. gr. sömu laga.

Allir reikningar viðvikjandi endurkröfum vegna bráðabirgðasamlagsmanna, samkv. fyrrnefndri grein, skulu sendir Tryggingarstofnun ríkisins, sem gerir upp þessi viðskipti milli samlaganna. Skulu samlögin gera reikninga þessa á þann hátt, sem tryggingarstofnunin ákveður. Skulu þessi innbyrðis viðskipti samlaganna gerð upp ársfjórðungslega.

17. gr.

Nú þykir sýnt, að sjóður sjúkrasamlags nægi ekki til þess að standa straum af skuldbindingum samlagsins og skal þá stjórn þess snúa sér til Tryggingarstofnunar ríkisins og leita aðstoðar hennar til þess að rétta við hag samlagsins. Jafnframt skal stjórnin gera hlutaðeigandi sveitarstjórn aðvart.

18. gr.

Brot gegn ákvæðum reglugerðar þessarar varða sektum 50—1000 kr. og renna þær til sjúkratryggingardeildar.

Með mál út af brotum á reglugerð þessari skal fara sem almenn lögreglumál.

Reglugerð þessi staðfestist hér með samkvæmt lögum nr. 74 31. desember 1937, til þess að öðlast gildi þegar í stað og birtist til eftirbeytni öllum þeim, sem hlut eiga að máli.

Atvinnu- og samgöngumálaráðuneytið, 5. ágúst 1942.

Jakob Möller.

Vigfús Einarsson.

REGLUGERÐ

144

12. ágúst

um stærð, þunga og málmblöndu innlendarar skiptimyntar.

Peningar innlendarar skiptimyntar skulu að stærð, þunga og málmblöndu vera sem hér segir:

	Pvermál mm	Þyngd alls g	Málmblanda
a. Peningar, sem gildi 2 krónur	28	9,5	{ 92 þyngdarhlutar af eyri, 6 þyngdarhlutar af alúminí og 2 þyngdarhlutar af nikkeli.
b. Peningar, sem gildi 1 krónu	22,5	4,75	
c. Peningar, sem gildi 25 aura	17	2,4	{ 75 þyngdarhlutar af eiri og 25 þyngdarhlutar af nikkeli
		eða 2	
d. Peningar, sem gildi 10 aura	15	1,5	{ 75 þyngdarhlutar af eiri og 25 þyngdarhlutar af nikkeli
		eða 1,25	
			zink